

mundi partibus plurimæ sunt mulieres, quæ similiter vulgo Beguinæ vocatæ, segregatæ quandoque in parentum, aut suis, interdum vero in aliis, aut conductis sibi communibus domibus infimul habitantes, vitas deducunt honestas, Ecclesias de nocte frequentant, diocesanis locorum, & parochialium Ecclesiarum Rectoribus reverenter obediunt, curiositatem disputandi, aut auctoritatem, seu temeritatem potius prædicandi, nullo modo sibi usurpant, nec se vel alias seu alios quoslibet præmissis opinionibus, erroribusque involvunt: nec ulla super his est aut fuit hæctenus nota seu suspicio contra eas, quæ ipsas dissimiles a luce sua constringeret, ut nullis earum, quæ perpetuam forte Domino continentiam devoverunt, occasio præbeatur ad lapsum: & ne periculum, damnis, & scandalis plurimis, quæ proinde verisimiliter sequerentur, pro provisione Ecclesiarum moderna occupentur: Beguinæ hujusmodi inculpabiles (ut præmittitur) nec suspectas sub prohibitione, & abolitione præmissis (quia de ipsis prædecessor noster præfatus nullatenus sensit dignoscitur) de fratrum nostrorum consilio declaramus, & volumus non includi: Locorum ordinariis nihilominus injungentes, ut eas sub prætextu hujusmodi nullatenus molestari permittant. Et si quid forsitan ex hoc in bonis aut juribus a quibuscumque contra eas attentatum est hæctenus, vel attentari contigerit in futurum, per illos prædictos ordinarios auct. noct. in statum reduci debitum volumus: invocato (si opus fuerit) auxilio brachii secularis. Cæterum statum Beguinarum hujusmodi, quas esse permittimus (nisi de his per sedem Apostolicam aliter ordinatum extiterit) nullatenus ex præmissis intendimus approbare. Locorum autem ordinarios, & alios, ad quos prædicta spectabunt, curam pervigilem, & sollicitudinem debitam præcipimus adhibere, ne præmissarum sequentes invidia, & ipsarum actus temerarios imitando, præmissis erroribus, & disputationum & prædicationum temeritatibus se involvant: eas, quæ contra prædicta præsumperint, per censuram Ecclesiasticam (appellatione postposita) compescendo. Porro mulieres, quodcumque nomen habentes, quæ de illis, ex quibus prohibitio præcesserit, culpabiles se reddiderint, aut merito notabiles, vel suspectas, si statum vel habitum quoquo modo mutaverint, vere sub prædicta decernimus remanere censura: & taliter contra eas, per illos, ad quos pertinuerit, procedi volumus & mandamus, quod ab errore de more revocatæ, non ultra insanciant sanas oves.

TITULUS X.
DE GENSIBUS, EXACTIONIBUS,
ET PROCURATIONIBUS.
CAP. UN.

Textus procuraciones, pabula charitatis, & subsidium charitativum. Salvat privilegia, conventiones, consuetudines, & præscriptiones, & indemnitas pauperum: inhibet contraveniri: punit transgressores, & eorum familiares, &c. Et locari debet sub rubrica, de censibus, & procuratoribus.

Benedictus XII. *Episcopus, servus servorum Dei, ad perpetuam rei memoriam.* [an. 1336. Aven.]

Vas electionis Paulus Apostolus egregius prædicator, se & eos, qui secum erant, propriis manibus exhibebat, ut pseudo & subdolis operariis sub prædicationis specie lucra sectantibus locum præcluderet, & his, quos ipse pascebat pabulo verbi Dei, non existeret onerosus. Sane licet circa modestiam in exigendis procuracionibus observandam a prædecessoribus nostris Romanis Pontificibus salubria emanaverint instituta, quia tamen

a Brachium seculare potest quandoque ab Ecclesia invocari. s. r. de off. ord. in antiq. b. Ad. c. 2.

(sicut experientia docet) nonnulli Prælatorum, necnon diocesis Nuntiorum, vel Legatorum Apostolicæ sedis, de quibus nullam faciunt mentionem expresse, sic se redderunt, & reddunt in dictarum procuracionum exactionibus onerosos, ut oppressi subditi hujusmodi onera nequeant supportare, & victum longi temporis brevis hora consumat. Nos attendentes, quod parentes debent thesaurizare filiis, non delitiis fastidiosis eorum substantiam absorbere: ac cupientes pro diversitate conditionum visitantium Prælatorum, & Provinciarum, ac Ecclesiasticarum etiam facultatum, certum modum sufficientem visitantium, & supportabilem visitatis in præmissis fore de cætero observandum: de fratrum nostrorum consilio præfatis constitutionis edicto statuimus, quod cum in Francis, Navarræ, Majoricarum regnis, ac terris, provinciis, & partibus adjacentibus, & in vicinis eisdem, necnon in Delphinatu, Burgundiæ, Sabaudia, Provinciæ, & Forcalquerii Comitatus, Archiepiscopi, & Episcopi, ac alii Prælati, & personæ Ecclesiasticæ, quibus id de jure, vel consuetudine competit, suos subditos personaliter visitabunt: iidem Archiepiscopi a suis, vel Suffraganeorum suorum cathedralibus Ecclesiis pro procuracione unius diei, five in visualibus, five a volentibus in pecunia, ultra trecentorum: a monasteriis vero & aliis Ecclesiis, vel prioratibus secularibus vel regularibus, habentibus collegium vel conventum duodecim, vel plurium personarum, ultra ducentorum ac quinquaginta. Ab habentibus vero paucarum personarum collegium seu conventum, & quibusvis aliis Ecclesiis, prioratibus & locis, ultra ducentorum. Episcopi vero ab Ecclesiis cathedralibus ultra ducentorum. A monasteriis vero, & Ecclesiis aliis, ac Prioratibus secularibus, vel regularibus, habentibus collegium vel conventum duodecim, vel plurium personarum, ultra ducentorum quinquaginta. Ab habentibus vero paucarum personarum collegium, seu conventum, & quibusvis aliis Ecclesiis, prioratibus & locis, ultra ducentorum. Episcopi vero ab Ecclesiis cathedralibus, ultra ducentorum. A monasteriis vero & Ecclesiis aliis ac prioratibus secularibus, vel regularibus, collegium habentibus duodecim, vel plurium personarum: ultra centum & quadraginta. Ab habentibus vero personarum collegium pauciorum, & quibuslibet aliis Ecclesiis, prioratibus & locis, ultra centum, & quadraginta. Abbates quoque a monasteriis, vel Prioratibus habentibus collegium duodecim, vel plurium personarum, ultra centum. Ab aliis quoque habentibus minus collegium, ac Ecclesiis, prioratibus & locis quibuscumque ultra lxxx. Archidiaconi quoque ultra xxxv. Archipresbyteri quoque ultra viii. Turonen. argenti valorem recipere non præsumant. Si vero præfati Archiepiscopi, Prælati, & personæ Ecclesiasticæ ex privilegio Apostolico per alios visitare, & procuraciones recipere valeant in pecunia numerata: iidem Archiepiscopi a suis & aliis cathedralibus Ecclesiis, ultra centum xx. a monasteriis vero & Ecclesiis aliis, ac prioratibus secularibus & regularibus, habentibus collegium duodecim, vel plurium personarum, ultra centum. Ab habentibus vero minus collegium, & quibuslibet aliis Ecclesiis, prioratibus & locis, ultra lxxx. Episcopi etiam ab eisdem Ecclesiis, monasteriis, prioratibus, atque locis, ultra lxxx. Abbates, ultra lx. Archidiaconi, ultra xxx. Turonen. argenti valorem non recipiant quoquo modo. In Alemanis quoque, Angliæ, Hungariæ, Bohemiæ, Poloniæ, Norvegiæ, Daciæ, Scotiæ, & Sueciæ regnis, terris, ac provinciis, & partibus eisdem adjacentibus Archiepiscopi & Episcopi, alii quoque Prælati, & personæ Ecclesiasticæ, cum (ut præmittitur) personaliter visitabunt, iidem Archiepiscopi & Episcopi etiam primates existant, a suis vel suffraganeorum suorum Ecclesiis.

fis cathedralibus, & personis earum pro procuracione unius diei, five in visualibus, five a volentibus in pecunia, ultra trecentum & viginti. A monasteriis vero & aliis Ecclesiis, Prioratibus, secularibus vel regularibus, habentibus collegium duodecim, vel plurium personarum, ultra CC. & LX. ab aliis vero monasteriis, Ecclesiis, seu Prioratibus minus collegium habentibus, aliis quoque Ecclesiis, Prioratibus & locis, ultra ducentorum & viginti. Episcopi etiam a cathedralibus Ecclesiis, ultra ducentorum & viginti. A monasteriis vero & aliis Ecclesiis, & Prioratibus, secularibus vel regularibus, habentibus collegium duodecim, vel plurium personarum, ultra C. & LXXX. Ab habentibus vero collegium minus, & quibuslibet aliis Ecclesiis & prioratibus atque locis, ultra centum & quinquaginta. Abbates insuper a monasteriis, prioratibus, seu Ecclesiis habentibus collegium XII. vel plurium personarum, ultra centum. Ab habentibus vero minus collegium, ac Ecclesiis, Prioratibus, & aliis locis quibuslibet, ultra lxxx. Archidiaconi vero ultra quinquaginta. Archipresbyteri etiam, ultra decem Turonen. argenti valorem recipere non præsumant. Si vero iidem Archiepiscopi, Episcopi, & Prælati, ac personæ Ecclesiasticæ ex privilegio Apostolico per alios visitare, & procuraciones recipere valeant in pecunia numerata, dicti Archiepiscopi, etiam si primates existant, ab hujusmodi Ecclesiis, monasteriis, prioratibus, atque locis, ultra centum. Episcopi ultra octoginta. Abbates ultra lx. Archidiaconi ultra xxx. Turonen. argenti valorem pro procuracione qualibet unius diei recipere non præsumant. In Castellæ quoque, Legionis, Aragoniæ & Portugalliæ regnis & dominiis, terris & provinciis Regum Castellæ, Aragoniæ & Portugalliæ, & partibus adjacentibus etiam vicinis eisdem, excepto Sardinia & Corsicæ regno, Archiepiscopi, Episcopi, & Prælati, ac personæ Ecclesiasticæ, cum (ut præmittitur) personaliter visitabunt, iidem Archiepiscopi a suis, & Suffraganeorum suorum Ecclesiis cathedralibus, pro procuracione unius diei, five in visualibus, five a volentibus in pecunia, ultra centum & quadraginta: a monasteriis vero & Ecclesiis aliis, ac prioratibus secularibus vel regularibus, habentibus collegium duodecim, vel plurium personarum, ultra centum & viginti. Ab habentibus vero minus collegium, aliisque Ecclesiis, prioratibus atque locis, ultra centum, Episcopi etiam a cathedralibus Ecclesiis, ultra centum: a monasteriis vero & prioratibus secularibus vel regularibus, habentibus collegium duodecim, vel plurium personarum, ultra lxxx. Ab habentibus vero minus collegium, aliisque Ecclesiis, prioratibus & locis, ultra lx. Abbates etiam a monasteriis vel prioratibus, habentibus collegium XII. vel plurium personarum, ultra quinquaginta. Ab habentibus minus collegium, & quibuslibet aliis Ecclesiis, prioratibus & locis, ultra xl. Archidiaconi vero, ultra xxv. Archipresbyteri vero ultra v. Turonen. argenti valorem recipere non attentent. Si vero proxime nominati Archiepiscopi, Episcopi, & Prælati, & aliæ personæ Ecclesiasticæ, ex privilegio Apostolico, per alios visitare & procuraciones recipere possint, in pecunia numerata: iidem Archiepiscopi ab eisdem suis & Suffraganeorum suorum Ecclesiis ultra lxxx. A monasteriis vero & Ecclesiis aliis, ac prioratibus secularibus, vel regularibus habentibus collegium duodecim vel plurium personarum ultra lx. Ab habentibus vero minus collegium, & quibuslibet aliis Ecclesiis, prioratibus sive locis, ultra L. Episcopi etiam ab eisdem Ecclesiis, monasteriis, prioratibus sive locis, ultra xl. Abbates vero ab eorum monasteriis, prioratibus, Ecclesiis sive locis, ultra xxx. Archidiaconi vero ultra xx. Turonen. argenti valorem recipere non attentent. In Apuliæ vero, Calabria, terræ Laboris, Siciliæ, Lombardiæ, Tusciæ, Sardinia, Corsicæ, & cæteris aliis Italiæ partibus, necnon Sclavoniæ, Achajæ,

Cypri, & cæteris regnis, insulisque & aliis provinciis & partibus omnibus ultramarinis, & etiam transmarinis, Patriarchæ, Archiepiscopi, Episcopi, ac Prælati alii & personæ Ecclesiasticæ consistentes, cum (ut præmittitur) personaliter visitabunt: iidem Patriarchæ & Archiepiscopi a suis vel Suffraganeorum suorum Ecclesiis cathedralibus pro procuracione unius diei, five in visualibus, five a volentibus in pecunia, ultra lx. A monasteriis vero & Ecclesiis aliis, ac prioratibus secularibus, vel regularibus, habentibus collegium xii. vel plurium personarum, ultra quinquaginta. Ab habentibus vero minus collegium, & quibuslibet aliis Ecclesiis, prioratibus atque locis, ultra quadraginta. Episcopi etiam a cathedralibus Ecclesiis, ultra quinquaginta: a monasteriis vero, aliisque Ecclesiis, & prioratibus secularibus vel regularibus, habentibus collegium duodecim vel plurium personarum, ultra quadraginta. Ab habentibus vero minus collegium, & Ecclesiis aliis, seu prioratibus vel locis quibuslibet, ultra triginta. Abbates vero a suis monasteriis vel prioratibus, simile collegium vel majus habentibus, ultra viginti. Ab habentibus vero minus collegium, & quibuslibet aliis Ecclesiis, prioratibus atque locis, ultra sexdecim: Archidiaconi ultra decem Turonen. argenti valorem non audeant recipere quoquo modo. Si vero Prælati, Patriarchæ, Archiepiscopi, Episcopi, & personæ Ecclesiasticæ proxime nominati, ex privilegio Apostolico per alios visitare, & procuraciones recipere valeant in pecunia numerata: dicti Patriarchæ seu Archiepiscopi, ab eisdem suis vel Suffraganeorum suorum Ecclesiis cathedralibus, ultra quadraginta. A monasteriis quoque & Ecclesiis aliis, ac prioratibus secularibus vel regularibus, habentibus collegium duodecim vel plurium personarum, ultra triginta. Ab habentibus vero minus collegium, & Ecclesiis aliis, prioratibus, sive locis, & subditis quibuscumque, ultra viginti octo. Episcopi quoque a suis cathedralibus, & quibuslibet aliis Ecclesiis, monasteriis, prioratibus atque locis, ultra viginti. Abbates etiam ultra decem, necnon Archidiaconi ultra quinque Turonen. argenti valorem recipere non præsumant. Ita quod expensæ seu sumptus universi, seu taxatio pecuniaria hujusmodi procuracionis totius diei, videlicet in pecunia, vel visualibus & necessariis aliis, prædictam summam vel valorem aliquatenus non excedat: nec ultra dictas summas vel taxationes, seu valores earum prætextu cujusvis consuetudinis, vel alias, vel ab ipsis Prælatis vel familiaribus earundem quicquam exigere vel recipere liceat etiam a volentibus, quando ex conventionem vel consuetudine minus solvere consueverint, quod propter prædicta non plus solvant. Illud quoque, quod de Archidiaconis superius diximus ordinandum, locum habere volumus etiam in Decanis. Præpositis, aliisque personis Ecclesiasticis superius non expressis, quibus visitationis officium & procuracionis receptio ex privilegio sedis Apostolicæ, vel de jure seu consuetudine competere dignoscuntur: Decanis ruralibus duntaxat exceptis, qui in aliquibus regionibus Archipresbyteri nominantur, circa quos in receptione hujusmodi procuracionis id, quod supra statutum est de aliis Archipresbyteris, volumus observari. Nostræ tamen intentionis existit, quod si ex conventionem, vel consuetudine, tam Ecclesiæ cathedrales, quam collegiatæ, & aliæ quælibet seculares, ac etiam monasteria, prioratus conventuales, & loca alia quævis Ecclesiastica, earumque Capitula, collegia seu conventus, Rectores etiam & personæ, Prælatis quibusvis suis visitantibus (ut præfertur) minus debeant, vel consueverint, quam per nos superius est statutum, ad solvendum ultra conventionem vel consuetudinem hujusmodi nullatenus adstringantur, sed super his circa eos consuetudo, & conventio hujusmodi observentur. Hujusmodi

